

անտառը մոտ էր և փայտը շատ՝ այնտեղ բարակ լավաշ էին յեփըմ: Լավաշը յեփվըմ էր մեծ քանակությամբ, երկու, երեք, երբեմն և ավելի ամիսների համար:

Հաց յեփելու պարագաները Ջանգեղություն էլ կրկնում էին Հայկական լեռնաշխարհում և հարևան թոնդրասպաս գավառներում գործածվածները: Հացը հունցում ըն խմորի մեջ խառնելով խաշը, արխարմօրավ պատրաստված, ուրիշ վայրերում՝ թրթիմօր: Տրխտը բառը բացատրում են որպես՝ չոր տախտակի պէս, իսկ մօր՝ որպես կրճատված խմոր բառը: Բայց իրականում թթու խմօր բառերի ազդավաղումն է:

Տրխտըմօրը պահվում է պնդիկի մեջ աղ արած: Խմորը ծածկում էին բրդե մէզաբավ մինչև որ խմորը կնմ ա՝ գալիս է, հասունանում է: Այնուհետև պնդըմ ըն՝ գնդում են տըշտաբ ծրհանավ, արշաաֆէրիավ՝ խմորից կտրելով մի կտր պնդի համար: Պնդէրը՝ գնդերը շարում են մէզաբի վրա տափին՝ գետնին և ծածկում նույնպես մէզաբով: Ապա պնդէրը յէտ ըն ընըմ՝ բաց են անում և հարթեցնում հացի տախտակի վրա, մեկնում թխողին, սա էլ թափ տալով օդի մեջ, փոում էր տնփի վրա<sup>6</sup>, որը նրվարանավ գործած, մեջը խոա յցրած և մի կտորով վրայից ծածկած երկար ձվաձև խօնչա է, թրխըմ ա քօրօնի պատին: Թրխողին պնդէր բացանողն ասում է՝

«Նէստա տո՛ւ»<sup>7</sup>:

Կրակը քօրօնի մեջ կարգի են բերում քօնըխառնիավ, որ մի երկար փայտ է: Հացը հանում են ֆէթը կէն շամփուավ, պատից պոկ գալուն օգնում են ծրհանավ՝ հացհանով—կարճ և տափակ երկաթե փոքր թիակով և փոում են կարպետի վրա գետնին կամ կախում են մի թառի վրա, որ սառչի: Շատ անգամ շամփուրի մյուս ծայրին լինում է փոքրիկ ծրհան, որը մանավանդ պետք է գալիս ֆնթան՝ գաթան քօրօնի պատից պոկելու ժամանակ: Քօֆօնից քօրօնի պատին կպած մասը՝ ֆէրինջ ա, իսկ քօրօնի հատակին վայր ընկած հացը՝ կրտան ա:

Պատրաստի հացը պահում են կամ հատուկ սնդուկի մեջ կամ բարձր կախած տախտակի վրա մէզաբով ծածկված կամ տաշտի մեջ՝ չորս կողմը վօսու փշոտ թուփի ճյուղերով պատած՝ մկներից ապահովելու համար:

Բացի սովորական հացից, թխում են պաղարեն՝ բաղարճ: Զաղացի փոքր քօրօնի մեջ՝ հնում թխում էին նրդրցպաղարեն, առանց խաշի և առանց աղի, ընալի՝ անալի, որը բաժանվում էր բոլոր ներկա եղողների միջև ջաղացում, իսկ տանը թխում էին աղով և խաշով, երբեմն ձվով կամ մածունով պատրաստած: Երեսխաշի հիվանդության առիթով՝ ծաղիկ, կարմրուկ հանելուց հետո, համաձայն խոստումին պաղարենավ մատաղ էին բաժանում: Սրանք մոտավորապես մեկ-մեկ գրվանքանոց պաղարենէր էին աղով, բայց առանց խաշի պատրաստված, անպատճառ պնդուր՝ կտր և տափակ բաժանում էին բարեկամներին, հարևաններին և մանավանդ չբավոր ընտանիքներին:

Նույնպիսի ծիսակատարական նվիրական ծագում և բնույթ ունի ֆնթան, որը թրխում էր հարսանիքների, թաղումների, ուխտագնացության ժամանակ և հյուր գնալիս մեծարող նվիրաբերության և նման առիթներով, որոնց հետ աշպակս թե այնպես շաղկապված էին ծիսակատարություններ կամ մեծարում-

<sup>6</sup> Այլ գավառներում՝ բարառ կամ ռարաբա:

<sup>7</sup> Նէստա տո՛ւ՝ կպցրո՛ւ: